

Fo scritto, per Colegio, per le terre di Dalmazia, che quando zonerano le do galie con li nostri Oratori stati al Signor tureho, fazino comandamento da parte de la Signoria nostra al rezimento resti li e non vengi de longo, et li Oratori vengino de qui con altri navilli, *licet* un'altra volta avanti per Colegio sia stà scripto.

101. Da poi disnar, fo Pregadi, per expedir li provedadori dil cotimo di Damasco sier Antonio Corer e sier Francesco di Prioli, quali voleano meter, come messeno li altri provedadori passadi, che 'l cotimo di Damasco vengi in questa terra. Et el Principe non vi vene; et fo leto le lettere sopra scrite.

Fu posto, per li tre savi ai Ordeni, non avendo trovà le galie di Barbaria patron, sia azonto ducati 500 per galia di don, di danari di . . . sicome in l'incanto: e fo presa.

Fu posto, per sier Zorzi Pixani dottor et cavalier, sier Marin Zorzi dottor, Reformadori sopra el Studio di Padoa, una parte di reformation di doctori lezeno a Padoa, zoè:

Domino Zacaria di Ruigo, qual fo conduto a raxon civil o canonico in arbitrio de essi Reformadori per questo anno con fiorini 80 a l'anno, et per lo anno futuro sia posto a la letura ordenaria di raxon canonicha, da sera, al secondo loco, con fiorini 130.

Domino Zuan Batista Fento, conduto al Sesto et Clementine, al luogo che sarà dechiarato per li diti, con fiorini 80 a l'anno.

Domino Vincenzo Roso dottor padoan, à leto *alias*, sia conduto a la letura di mezo zorno di Sesto et Clementine, concorrente di domino Antonio Porzulinò, con fiorini 20 a l'anno.

*Item*, havendo leto domino Batista Barixon la extraordenaria di theorica di medecina, sia conduto al secondo loco de la extraordenaria predita, con fiorini trenta a l'anno; et a la lectura di chirurgia, che è letion utilissima, sia conduto domino Petro de Mainardis, con fiorini 100.

Fu posto, per li diti Reformadori: atento fusse preso di condur domino Bartolomeo di Urbin a lezer l'ordenaria di raxon canonicha da sera, con fiorini 150 a l'anno, al qual domino Antonio Justinian dottor al suo andar in Franza li parloe, et à leto anni 34 a Padoa: che 'l dito habi per adesso fiorini 50, et li anni sequenti fiorini 200.

Fu posto, per li diti Reformadori, che non avendo potuto aver letor a la ordenaria di raxon civil da sera, sia conduto domino Vincenzo Salivol da la Ocha dottor bolognese, qual ha lecto a Turin e Pavia,

*I Diarii di M. SANUTO. — Tom. XXV.*

et hora leze a Bologna, a concorrentia di domino Carlo Ruin, con fiorini 450 a l'anno.

Fu posto poi, per sier Antonio Corer e sier Francesco di Prioli provedadori sora il cotimo di Damasco, certa parte di redur il cotimo in questa terra, sicome la copia de dita parte scriverò di soto. Et sier Alvise da Molin procurator contradise, dicendo non è da far queste novità, laudando tener il cotimo de li. Li rispose sier Francesco di Prioli gajardamente, et andò la parte et fu presa: ave 107 de si, 53 de no, 25 non sincere.

*A dì 2 Zener 1517 (1518), in Pregadi.* 102

Fu posto, per li Provedadori sora il Cotimo di Damasco, una parte di questa substantia in sumario qui posta: che tutti li merchadanti nostri di Soria, comenzando da la Jaza fino a Gazara, principiando questa muda presente di Baruto, capitano sier Tomà Moro, non siano astretti de pagar cotimo zeneral, ni particular, più a Damasco nè in la Soria.

*Item*, che 'l Consolo di Damasco vadi con i salari soliti, meni con si capelan, zago, miedego e barbier, i qual habino i mesi? soi salari, et uno turzman solo con ducati 150 a l'anno.

*Item*, il libro di cotimo sia saldato e portà in resto per il Consolo e merchadanti, et sia mandato con el zornal in questa terra a l'oficio de diti Provedadori; qual zonto, essi Provedadori debano far trar i veri crediti de cadauno in uno nome solo *ut in parte*.

*Item*, perchè tutti li merchadanti fono fiansadi a tuor danari a usura per il Consolo, e dar ducati 12 mila al Signor tureho in questo anno per conto di el caxandar, sia preso che dito Consolo debbi far bone esse usure a cadaun.

*Item*, che li vice consoli per la Soria siano eleti per il Consolo di Damasco.

*Item*, che cadauna manzaria ovvero garbujo, si zeneral a Damasco come in Aleppo, che seguisse, il Consolo possi conzarla con il Consejo di XII per i quattro quinti; però non vadi a conto di cotimo zeneral, se prima non sarà vista per li Provedadori sora il cotimo predido per parte presa in questo Consejo *ut in parte*; i qual però da loro, da ducati 50 in zoso, habino libertà a judicarla e ponerla a colimo zeneral.

*Item*, che per pagar le usure e creditori di esso Cotimo, tutte le merchadantie e robe anderano in la Soria pagar debano 8 per 100 a li diti Provedadori per le stime di doana, oltra le 3 per 100 solite